

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 212463 22 St
Zenica, 10.07.2025.. godine

Općinski sud u Zenici, sutkinja Marina Šapina, u stečajnom postupku nad društvom, JOSIPOVIĆ GROUP d.o.o. Kakanj u stečaju, ul. Alije Izetbegovića bb, Kakanj, odlučujući o prijedlogu stečajnog upravitelja Muamera Pašalića iz Zenice od 13.03.2025, nakon ročišta održanog dana 05.06.2025.god., kome su prisustvovali o stečajni upravitelj Muamer Pašalić i punomoćnica razlučnog povjerioca ASA Banka d.d. Sarajevo, Čančar Elma, dana 10.07.2025.godine donosi:

R J E Š E N J E

Zaključuje se stečajni postupak nad privrednim društvom JOSIPOVIĆ GROUP d.o.o. Kakanj u stečaju, ul. Alije Izetbegovića bb, Kakanj, MBS: 43-01-0511-16, nakon namirenja razlučnog povjeritelja ASA Banka d.d. Sarajevo u iznosu od 15.054,83 KM što u procentu iznosi 77,28 %.

Ovo rješenje će se objaviti u „Službenim novinama F BiH“, a nakon proteka roka od pet sljedećih radnih dana od objave isto se smatra dostavljeno svim licima i u slučajevima u kojima zakon predviđa posebnu dostavu.

Navedeno privredno društvo će se po pravomoćnosti ovoga rješenja brisati iz Registra društava, kod Općinskog suda Zenica, zavedeno pod brojem reg. ul. broj: 43-01-0511-16 i svih javnih registara.

O b r a z l o ž e n j e

Rješenjem ovog suda broj: 43 0 St 207101 22 St od 08.09.2023. godine, otvoren je stečajni postupak nad društvom JOSIPOVIĆ GROUP d.o.o. Kakanj, ul. Alije Izetbegovića bb, Kakanj, MBS:43-01-0511-16, JIB: 4218934390008.

Stečajni upravitelj Muamer Pašalić je dana 13.03.2025.godine podnio prijedlog za glavnu diobu i predložio zaključenje stečajnog postupka u skladu sa članom 190. Zakona o stečaju.

Na ročištu održanom dana 05.06.2025.god., Stečajni upravitelj je izjavio da u cjelosti ostaje kod prijedloga glavne diobe i prijedloga za zaključenje od dana 13.03.2025. godine. Navodi da je završio sve radnje vezane za unovčavanje stečajne mase i da se novac nalazi na računu stečajnog dužnika. Stečajni upravitelj navodi da je u toku stečajnog postupka stečajna masa koja se sastojala od pmv marke KIA i pokretne imovine oprema za pekarsku djelatnost, koja imovina je prodana za iznos od ukupno 27.000,00 KM, i to 26.000,00 KM je iznos za koje je unovčeno vozilo stečajnog dužnika, a oprema je prodana za 1.000,00 KM, te su uz Izvještaj stečajnog upravnika dostavljeni dokazi o uplati. Dalje navodi da ostaje kod prijedloga glavne diobena način da se iz iznosa dobijenog prodajom imovine stečajnog dužnika od 27.000,00 KM, namiri razlučni povjerilac ASA banka d.d. u iznosu od 15.054,83 KM, što u

procentu iznosi 77,28% od prijavljenog potraživanja, a troškovi stečajnog postupka koji na dan 13.03.2025. godine iznose 11.945,17 KM da se namire iz preostalog iznosa. Stečajni upravnik navodi da je razlučni povjerilac ASA banka d.d. Sarajevo prva je upisala založno pravo u Registar zaloga nad motornim vozilom. Povjerioci općeg isplatnog reda ostaju nenamireni. Stečajni upravnik dalje navodi da stečajni dužnik nema više nikakvu imovinu koja bi mogla činiti stečajnu masu, iz kojeg bi se dalje namirivali troškovi stečajnog postupka, te potraživanja povjerilaca, te predlaže da sud usvoji prijedlog glavne diobe jer na isti nije bilo prigovora, i da po isplati novčanih sredstava i dostavljanja dokaza da su ista isplaćena u spis suda, sud donese rješenje kojim se zaključuje stečajni postupak u smislu člana 190. Zakona o stečaju.

Prisutna punomoćnica razlučnog povjerioca je izjavila da se ne protive prijedlogu diobe niti prijedlogu stečajnog upravnika za zaključenje stečajnog postupka nad ovim društvom.

Podneskom dostavljenimu sud dana 09.06.2025.god. stečajni upravitelj je dostavio dokaze o izvršenim uplatama po glavnoj diobi.

Imajući u vidu da na prijedlog za glavnu diobu nije bilo prigovora povjerilaca i kako je izvršena podjela sredstava predviđenih za istu, sud je u skladu sa čl. 190 i čl. 204 Zakona o stečaju („Službene novine F BiH” broj: 53/21) donio odluku kao u izreci rješenja jer je prijedlog za zaključenje stečajnog postupka osnovan budući da društvo nema druge imovine koja bi se unovčila i iz koje bi se namirivali troškovi stečajnog postupka nastali daljim vođenjem stečaja.

POUKA O PRAVNOM LIJEKU:

Protiv ovog rješenja svaki stečajni povjerilac i stečajni dužnik imaju pravo žalbe u roku od 8 dana od dana objavljivanja odluke u „Službenim novinama F BiH“ Kantonalnom sudu u Zenici, a putem ovog suda.

Sutkinja:

Marina Šapina, v.r.